

4
87
BREVE
S. D. N. D. GREGORII
diuina prouidentia
Papæ xiii.

Confirmationis Priuilegiorum Ordinis Here-
mitarum Sancti Hieronymi Congre-
gationis Beati Petri de Pisis.



Rome, apud Heredes Antonij Bladij Impressores Camerales.

M D LXXIX.

B R E V E

S. D. N. D. GREGORII

decima prouidentia

1572. xiii.

Continuatione Historiarum Orationum
Instituta in Hibernia
Yacobi Pontificis de P.



Printed by J. Smith, at the Press of the
University of Cambridge

Ad perpetuam rei memoriam.




BENIGNITAS apostolicæ Sedis consueta ea quæ per Romanos Pontifices pro religionis cōseruatione, & augmento prouide facta fuisse dicuntur, libenter approbat, aliaque desuper disponit, prout conspicit in Domino salubriter expedire. Dudum siquidem se. rec. Eugenius iiii. Nicolaus v. Calixtus iii. Sixtus iiii. Innocētius viii. Alexander vi. Paulus iii. Iulius iii. Pius iiii. & Pius v. prædecessores nostri Rectorem generalem, & alios Prælatos, ac personas ordinis sancti Hieronymi Congregationis beati Petri de Pisisuarijs priuilegijs, immunitatibus, exemptionibus, libertatibus, ac gratijs, tam spiritualibus, quam temporalibus ornarunt, decorarunt, & locupletarunt, illaque antea concessa approbarunt, & confirmarunt. Cum autem ea firmitus subsistant, ac maiorem uim, & robur obtinere noscantur, quæ sæpius apostolica auctoritate fuerint communita: propterea Rector & Prælati, ac personæ huiusmodi nobis humiliter supplicari fecerunt, ut eis in præmissis opportune prouidere de benignitate apostolica dignaremur. Nos igitur huiusmodi supplicationibus inclinati, omnia

nia & singula priuilegia, facultates, gratias, exemptiones, immunitates, libertates, indulgentias, peccatorum remissiones, concessiones, & indulgentia, quatenus sint in usu, & sacris canonibus non contrariantur, Rectori, ac Prælati, & personis prædictis, nec non dictorum ordinis, & congregationis ecclesijs hætenus, ut præfertur, concessa, ex certa nostra scientia denuo apostolica auctoritate tenore præsentium approbamus, & confirmamus, illaque innouamus, ac illis perpetuæ, & inuiolabilis firmitatis robur adijcimus, ac omnes, & singulos tam iuris quam facti defectus, si qui forsitan interuenerint in eisdem supplemus. Decernentes præsentibus literis nullo unquam tempore de subreptionis, uel obreptionis uitio, seu intencionis nostræ, uel quopiam alio defectu notari, impugnari, sed illas semper ualidas, & efficaces existere, irritum quoque, & inane si secus super his a quoquâ quauis auctoritate scienter, uel ignoranter contigerit attentari. Quocirca Venerabili Fratri Archiepiscopo Vrbinatensi, & dilectis filiis causarum curiæ Cameræ apostolicæ generali Auditori, ac nostro, & Apostolicæ Sedis in ciuitate Venetiarum Nuntio per præsentibus mandamus, quatenus ipsi uel duo aut unus eorum per se, uel alium, seu alios præsentibus literas, & in eis contenta quæcunque ubi, & quando opus fuerit, ac quoties

quoties pro parte Rectoris, & Prælatorum prædicatorum fuerint requisiti, solenniter publicantes, illisque in præmissis efficacis defensionis præsidio assistentes, faciant auctoritate nostra eos præmissis omnibus, & singulis iuxta præsentium continentiam & tenorem pacifice frui, & gaudere, non permittentes eos desuper a quoquam quomodolibet indebite molestari, contradictores quoslibet & rebelles, & præmissis non parentes per sententias, censuras, & poenas ecclesiasticas, aliaque opportuna iuris, & facti remedia, appellatione postposita, compescendo, inuocato etiam ad hoc, si opus fuerit, auxilio brachij secularis. Non obstantibus quibuscumque constitutionibus, & ordinationibus apostolicis, ac statutis, & consuetudinibus etiam iuramento, confirmatione apostolica, uel quauis firmitate alia roboratis, priuilegijs quoque indultis, & literis apostolicis in contrarium quomodolibet concessis, approbatis, & innouatis. quibus omnibus, eorum tenores præsentibus pro expressis habentes, illis aliàs in suo robore permansuris, hac uice dumtaxat specialiter, & expresse de rogamus, cæterisque contrarijs quibuscumque. Aut si aliquibus communiter, uel diuissim ab apostolica sit sede indultum, quod interdicti, suspendi, uel excommunicari non possint per literas apostolicas non facientes plenam, & expressam,

ac de uerbo ad uerbum de indulto huiusmodi me-
tionem. Cæterum quia difficile foret præsentem
literam singula quæque loca ubi necesse fuerit,
deferri, uolumus præsentium transumptis etiam
impressis manu Notarij publici subscriptis, & si-
gillo dicti Rectoris munitis, eandem fidem in iu-
dicio, & extra adhiberi, quæ præsentibus adhibe-
retur, si forent exhibitæ, uel ostensæ. Datum Ro-
mæ apud sanctum Petrum sub annulo Piscatoris,
Die xxv. Maij, M D L X X I X.
Pontificatus Nostri Anno Octauo.

Cæ. Glorierius.



10.

